

TOUCHER

(www.centurion.bowls-club.co.za)

NUUSBRIEF / NEWS LETTER

**CENTURION ROLBALKLUB
CENTURION BOWLS CLUB**

August 2020

Dance then wherever you may be,
I am the lord of the dance, said He
I'll lead you all wherever you may be
And I'll lead you in the dance said He

Dis die refrein van Laurika Rauch se pragtige lied, Lord of the dance.

Hoe lyk jou lewensdans gedurende hierdie Covid-19 grendeltyd en hoe gaan dit lyk as
die lewe weer sy nuwe normale loop, loop?

Gaan jy met passie en oorgawe "dans" of gaan jy net 'n passiewe toeskouer wees?

It is during our darkest moments that we must focus to see the light.

Aristotle Onassis

BANE



BSA het die groenlig gegee aan klubs om te mag speel indien sekere voorskrifte gevolg word. Ons bane is speelbaar. Dis te danke aan die harde werk van Ted, en sy "span". Baie dankie vir julle gewilligheid!!!. Ons vra dat almal net geduldig sal wees- ons begin op Donderdag 6 Augustus weer speel!! Daar is wel 'n aantal beperkings ten einde binne die voorgeskrewel reels van BSA te bly en almal word gevra om asseblief daarmee saam te leef. Nie voldoening hieraan kan daartoe lei dat ons bane gesluit word.

Thank you to Rob du Preez (cell no **082 569 4990**) who has been appointed as our Club's **Compliance Officer**. Please give Rob and the compliance team your fullest support and co-operation.

Lees die prosedure wat reeds per e-pos aan lede gestuur is, noukeurig en hou daarby asseblief. Die bygewerkte prosedure is ook op die Webwerf. Lede sal deurlopend per SMS en/of WhatsApp op hoogte gehou word van aanpassings en verwickelinge

Die bane sal nie, soos in die verlede, vir 2 maande sluit nie.

Dis nie die berg wat jy moet op wat jou uitput: dis die klipie in jou skoen. M Ali.

ALGEMENE JAARVERGADERING

Wat ons algemene Jaarvergadering aanbetref: Dit sal eers plaasvind as ons weer toestemming het om in groter groepe te mag vergader. Dus sal die huidige bestuur bly soos dit is.

The world is full of willing people, some willing to work, the rest willing to let them.

Robert Frost

Ledegeld vir / Membership Fees for 2020-2021 Season

Ledegeld plus BSA en BGN Affiliasioefooi van R490.00 is ten volle betaalbaar teen 31 Oktober 2020. Spesiale reelings vir afbetaling kan met die Tesourier getref word.

Status	Ouderdom 1 Julie 2020 (Gebore voor 1 Jul 1945)	Klub ledegeld (Per persoon)	Totaal betaalbaar (Affil. Ingesluit)
Enkel persoon	75 jaar en ouer Onder 75 jaar	R1 020.00 R1 200.00	R1 510.00 R1 690.00
Getroude Persoon: (Beide lid van Klub)	75 jaar en ouer Onder 75 jaar	R 965.00 R1 150.00	R1 455.00 R1 640.00

LW: Getroude persone – albei moet lede van die Klub wees om te kwalifiseer. Indien een ouer as 75 jaar is betaal beide die laer tarief.

LW: Tjeks word nie meer aanvaar nie. Ons verkies dat betalings elektronies geskied (EFT of per kaart). Daar is 'n kaart fasiliteit by die klub. Kontant sal slegs in hoogs uitsonderlike gevalle aanvaar word.

ABSA Bank, Centurion tak

Begunstigde: Centurion Rolbalklub

Tjekrekeningnr: 40533 23178

Verwysing: Jou naam en van asb

----- & -----

BEDANK AS LEDE

Pieter Fourie

Felicity Janse van Rensburg

Gerhard Brink

Maretha Maree

Annie du Plessis

Soms is dit nie die persoon wat verander het nie, dis net sy masker wat afgekom het

LIEF EN LEED

- Piet v d merwe het sleg geval en baie seergekry. Hy moes 'n paar operasies ondergaan en sterk tans tuis aan. Daar lê vir hom nog 'n lang pad van rehabilitasie voor. Dink spesiaal aan hom in julle gebede.
- Bosman Olivier het Covid -19 opgedoen, was gehospitaliseer maar is uit en tuis en toets nou negatief. Ons is saam met jou en jou gesin dankbaar Bosman.
- Andre ondergaan nog chemo en bestraling.
- Dit gaan goed met Hennie na 'n heupvervanging maar sy is nog nie reg vir speel nie
- Ons innige simpatie met Yvonne Odendaal en haar gesin na die verlies van 'n agterkleinkind wat te vroeg gebore is
- Twee oudlede van ons klub is onlangs oorlede: Koos v d Watt en Paul Gerber. Aan die families, ons innige simpatie.
- Sterkte aan Danny de Lang wat gehospitaliseer is

Patience is a byproduct of tribulations, it is not granted, it is learned.

VERJAARSDAE IN JULIE

Baie geluk aan almal, ons hoop julle jaar is gevul met oorvloedige seën.

- | | |
|----|-------------------|
| 1 | Stephen Weber |
| 4 | Gertie Botha |
| 5 | Dawn de Beer |
| 6 | Tian Pieterse |
| 15 | Willem de Klerk |
| 18 | Hendrik Voges |
| 26 | John van der Veen |
| 28 | Ian Thompson |
| 30 | Flip Mattheus |

Make sure you test positive for faith, keep a safe distance from doubt and isolate yourself from unbelief.

VERJAARSDAE IN AUGUSTUS

- | | |
|----|--------------------------|
| 1 | Daan Opperman |
| 3 | Mike Heyns |
| 11 | Gerrit Kamper |
| 15 | Dorina Du Plessis |
| 18 | Bessie Oliemans (vriend) |
| 21 | Piet Schutte |
| 23 | Brian Kleingeld |
| 27 | Werner Klerck |
| 27 | Zinda Muller |

Faith sees the invisible, feels the intangible, and achieves the impossible.

VERJAARSDAE IN SEPTEMBER

- | | |
|---|-----------------------|
| 1 | Gert Cloete |
| 1 | Frans Human |
| 2 | Naudene Ward (vriend) |

3	Anita Beukes
10	Yvonne Odendaal
22	Christa Roux
25	Bets du Plessis
26	Kobus Nieuwoudt
29	Martha Weilbach
30	Koos Moolman

“Life itself remains a very effective therapist.”

VAN WAAR GEHASI?

DAAN OPPERMAN



Ek is persoonlik Daniël Johannes Jacobus Opperman, alias Daan en is op 1 Augustus 1942 in die “Home” op Zastron gebore. Ek het op ons plaas, Toggekry, naby die dorpie Vanstadensrus, ook bekend as Mook, tussen Wepener en Zastron groot geword.

Tot standerd 8 was ek op Wepener op skool en standerd 9 en 10 het ek aan die Hoër Landbouskool Tweespruit voltooi.

Januarie 1962 het ek die trein Kaapstad toe gevat en van daar per Bedfordtrouk na Saldanha vir my Vloot Gimnasium jaar. Dit was die eerste keer dat ek die see gesien het, want skoolvakansies moes ek op die plaas werk.

My sportaktiwiteite, tydens die Vlootjaar, het my so besig gehou dat ek nie baie op see was nie. Ek het rugby vir die Vloot in die Bolandliga gespeel, landloop gedoen en vir die Vloot geroei. Ons roeispan het by geleentheid in Simonstad ‘n span van die Britse Vloot gewen. Ek het vir die Gimnasium geboks en met die Vlootkampioenskappe, in die Kaap, het ek in die finale met punte verloor. Ek was nie so goed nie maar so fiks!! Dit was die beste jaar van my lewe, geen bekommernisse nie en geryloop waar ek wou wees.

Na die Vlootjaar is ek plaas toe om saam met my Pa te gaan boer. Februarie 1963 wou ek net rugby speel en het my ouers oortuig dat ek vir ‘n jaar Polisie toe wil gaan vir rugby. Omdat die Kollege in Pretoria reeds begin het, moes ek tot Julie maand as student in die Polisie op Bethulie gaan werk. Dit was toe nie so sleg nie want ek het Thea daar ontmoet. Voordat ek Kollege toe vertrek het, het ek een rugbywedstryd vir Suid-Vrystaat gespeel.

Nadat ek die Kollege voltooi het wou ek terug Vrystaat toe omdat Thea in Bloemfontein onderwys geswot het. Kolonel Buurman van Zyl het my egter omgepraat om in Pretoria te bly en vir Bobbies rugby te speel. Na 2 halfseisoene en 2 knieoperasies het my rugbyloopbaan nêrens gekom nie. Ek het, sonder dat die Kolonel dit weet, ‘n verplasing op eie koste Bloemfontein toe bewerkstellig.

In Bloemfontein is ek oorgeplaas na die Speurafdeling en het dit baie geniet. Ek het weer begin tennis speel en is gekies om in die tennis kampioenskappe in Pretoria te gaan speel. Ek trek toe die eerste rondte oom Hansie Brewis, beroemde losskakel. Hy slaan my toe van die baan af, 6-0, 6-1. Ek verneem toe later hy speel NTVL veterane. Daarna is ek weer omgepraat om vir die Vrystaat Polisiepan aan die SA Polisie Bokskampioenskappe te gaan deelneem. Na die 2de rondte kry ek toe ‘n ernstige abses in my voortand en moes gelukkig onttrek, my volgende opponent sou Japie Pretorius wees, hy het daardie jaar SA Kampioen geword. Dit was toe ook die einde van my kort bokslloopbaan.

Op 15 Desember 1967 is ek en Thea, wat toe in Bloemfontein skoolgehou het, getroud. In 1968 het ek by UOVS ingeskryf vir die B Admin graad (Buitemuurs). Ons



kantoor het 'n groot gedeelte van die Vrystaat en Noord Kaap gewerk, dit het baie rywerk geveerg om sake te ondersoek. Dit het bloedsweet gekos om te werk en elke aand van 5 tot 10 klas te draf. Deur die genade en hulp van my kamermaat kon ek deurdruk om elf jaar later my Doktorsgraad in Staatsleer te verwerf.

In 1973, terwyl ek besig was met my Meestersgraad, het die Buro vir Staatsveiligheid (latere Nasionale Intelligensiediens) my 'n pos in Pretoria aangebied, wat ek toe aanvaar het. Dit was vir my 'n wonderlike loopbaan met baie stres en nooit 'n eentonige oomblik nie. Ek het hoofsaaklik buitelandse gewerk en dit was die tyd toe SA nog die muishond van die wêreld was.

Ek, Thea en ons drie kinders het vir 3 jaar in Washington DC gebly waar ek as 'n "diplomaat" by die Ambassade diens gedoen het.

In 1992, toe die "vreemde moondhede" die Staatsdiens begin betree het, het ek op ouderdom 50 besluit om af te tree. Twee maande na aftrede is ek 'n drie jaar kontrak by Staatkundige Ontwikkeling aangebied. Ek het dit aanvaar en was toe betrokke by die Onderhandelingsproses wat ek vir 2 jaar geniet het, maar die begin van die derde jaar het ek die Staatsdiens finaal verlaat. Vir die volgende 10 jaar was ek betrokke by ondersoeke in die privaatsektor en het ook 'n Sonkragfabriek bedryf.



Sedert 1984 het ek by Swartkop golf gespeel en toe my rug finaal oppak het ek in 2010 my tot rolbal gewend. Soos meeste van ons altyd vir mekaar sê: Te laat met dié lekker sosiale sport begin. Met die sluiting van Swartkop Rolbal het ek en Thea by Centurion aangesluit en het ek elke dag se spel geniet tot die Virus ons oorval het. Ek glo ons sal dit ook te bowe kom.

Life does not have to be perfect to be wonderful!

Enige NUUS, opwindend of hartseer. Kontak asseblief vir Mari 082 392 3123, Marsha 083 426 2369 of Dawie 082 652 2326